


Amadzwi ga wusimbe nu luhwano: Willem de Vink

# UYesu Mesiya

Umuunu ye iihambusa ilidugulu



## KYE KIKI...



**IBibiliya:** Mu Bibiliya wiikwimba ngita uNguluvu kye akuvaloleela avaanu na kye ali mihanganile navo.

**Ikigono kye alaapiluka uYesu:** Umusika ugo, ikyanya ni nyi filaahambuswa ukuvedza fipiya.




**Ikipindulihidzo:** Ikikoong'olo kya mumuko kye vaakomelaga avanandzi. UYesu aafuwe pa kipindulihidzo mu mikeelelele gyakwe yumwene. Kívedzile kye kimanyilo ku vanyigendwa vonda va Yesu.

**IKyakuliya iKiimike:** Avanyigendwa va Yesu viikwiwuka ifuwa yaakwe nu ludzulubuko wugendela wa mukaate ni difwayi.



**Indapangilo:** Ukulongana nu Nguluvu, kidzidzi enewuli mu sawuti, nu kumupulikidza umwene.

**Indzanangifu:** Ukulima indzanangifu kwe kulima ifinu fye asiikeela uNguluvu, ifikututanidza ukufikia uwukwilifu we akutugulumila uNguluvu.



**IPaasaka:** Iki kye kigono kya kwiwuka ukudzulubuka kwa Yesu nu kukeelanila. UYesu atukombwidze ukuhuma mu wusutu wa ndzanangifu. Ku Vayahudi kye kigono kiikyo kya kwiwuka wukombodze ukuhuma ku Misili kwe vaahambwiswe vasutu.



**Uludzulubuko:** UYesu aadzulubwike ukuhuma ku wulungu. Ikigono kimwinga, avuumi na vaafuwe valaadzulubuswa, neke uYesu alavahiga avaanu vonda.

**Ulufuunyo:** Fye fiinu fyonda ifinofu fye iisaka uNguluvu ukuvapeela avaanu vala aviilima kye iisaka.



**Ulufuuwo:** Ukumufuuwa uNguluvu ye ali pwali, kangi ukuvedza nu wumasimike ukutigila, ahadza iikwilidza inyuividzo dzaakwe.

**Ulupyana:** UNguluvu iipyani, nde luvedze sikwali umuunu ye iivagila. UNguluvu iipyani ngana ndakyene uveeve úpelile indzanangifu, kangi wiisaka ukupituka. Ulupyana pooluli pakuva uYesu aanyamuwe ulupedzo lwesu lwe twavagiye uneefwe.

**UMesiya:** Ikiganulo kyakwe ukuhuma mu ndongele ya Kiebulaniya, umuunu umubakwa mafuta. Ukubakwa amafuta kwiwoneesa umuunu ye ali nu wutawulilwe wa kutema ngita mutwa. Ilitaawa Kilisiti kye kiganulo kiikyo mu Kigiliki.

**UMubepo uMwimike:** UMubepo va Nguluvu ye akwikala mugati mwa vanu avakumuniila uYesu.

**Umunyamwandza:** Umulongodzi-mola va Nguluvu ye iilima amalimo gaakwe.

**Umunyigendwa:** Umuunu ye amuniniilaga uYesu nu kwiwulanidza amalimo gaakwe.

**UMuswamuve va Nguluvu:** Ilitaawa lyakwe Yesu. Ye Nguluvu ye aaholiilwe mwe naanyi ngita muunu ukuta atuwoneese uNguluvu kye agenda.

**USetano:** Ye mutavangwa va Nguluvu na vanu ye asiiwoneka. Kangi iidzeeleka ngita muhosi.

**Uwutwa wa Nguluvu:** Uwutwa wa Nguluvu wiikwimila mu milamulile gyako ukwiviika mu wutemi wa Nguluvu ukuta akulongodzage mu miikalile gyako.

**Uwuumi wa mbeepali:** Avaanu valaapeelwa uwuumi wa mbeepali wugendela wa kumufuuwa uYesu, kwe kutigila ukufuwa si wusililo, nda haamu, valiikalasaga nu Nguluvu mbeepali.

**UYesu:** Lye litaawa lya Muswamuve va Nguluvu, kwe kutigila, uNguluvu iipoka.



## UYESU MESIYA YE ANI?

UYesu iikalile ku nyi ya Isilaheli ngita myaka mbilima dzivili (2,000) íghelaniidze. Tukumukeemela Yesu Mesiya, enewuli Yesu Kilisiti. Kwe kutigila uYesu ye Mutwa, neke kangi si Mutwa hela. UYesu iitambulwa Muswamuve va Nguluvi. Kangi uYesu iitambulwa Muswamuve va Muunu. Amataawa ago giwoneesa ukutigila, umwene ye Nguluvi nu muunu. Imiikalile gya Yesu giikoolwa mu Bibiliya. Mu mihagulile gya myaka kwahela imiikalile imikomi hiilo.

## UMUSIKA GWA YESU


Imisika gyesu giivangila pa kuholwa kwa Yesu. Umusika ugo, avaanu vaagendaga ulwa magulu, enewuli vaahovaga imbunda, ingamila, enewuli ifwalasi. Apoono apoloofu ku Wulaya, iNena ya Pagati, nu kuweehe mwa Afilika, paali mu wutemi wa Valoma. Avaanu voloofu vasawudzeeliye ukwimba nu kusimba, neke kangi aVayahudi mu Isilaheli vawudzeeliye. Vaatambulwaga Vaanu va Kitabu.

UNguluvi iilonga mu kitabu, mu Bibiliya. Umwene ye Mugavi va fiinu fyonda ifili fyumi, kangi iisaka ukuvedza mudzeela va vaanu vonda. UYesu aawoneesiidze ulo pa weelu mbandu.





## ISILAHILI MU MUSIKA GWA YESU



**Uwudzenge wukomi:** Yelusalemu

**Imigoola:** Galilaya, Samalya, Yudeya.

**Wukomi:** Ngita kilometa makyumi gavili nu munaana mbilima (28,000).


**Mivedzele gya nyi:** Tulopiki mupingulo.

**Uwutemi:** Ukuvangila umwaka gwa makyumi mutanda ni gidatu (63) pe asinaa aholwa uKilisiti, aVaisilaheli vaali mu wutemi wa Valoma.

**Isilikaale:** UPondyo Pilato Muloma, aatemile umugoola gwa Yudeya. UTibelyo Kayisali mutwa mukomi, umutemi va Valoma, aali mutemi va Pilato.

**Ulufuuwo:** AVayahudi viifuunyaga mu tembeli ku Yelusalemu. Umo avateekedzi viimilaga ulwifuunyo ukuvooleka avaanu pa miiho ga Nguluvi. Kangi avawulanidzi, ngita aVafwalisayo, vaawulanidzaga avaanu ukuniniila ilidzwi lya Nguluvi.

**Indongele:** IKiebulaniya ye ndongele ya Vayahudi. IKigiliki ye ndongele ya vonda. IKilatini ye ndongele ya Valoma.



Avaanu voloofu viilundana pa mukoga wiimila wa kiki?



Mwikalage  
mwígelaniidze,  
uwutwa wa Nguluvi  
wiikwadza.





Muvangage imiikalile impiya.



Iveega ya luhigo lwa Nguluvi yígelaniidzwe ukudumula amadela ga mubiki...



Umubiki gugvedzaga ugusiiveleka ifiveleko finofu, gwidumulwa nu kutoodzwa mu mooto.



Uneefwe twivonda apangi tuhadza twidumulwa ndeeni. Ye ani ye iisunga iikale imiikalile iminofu?

Ndakyene sikwali umuunu ye ihena uluhigo lwa Nguluvi. Neke kangi iikwadza umunya ngufu ukulutila uneene, ye ahadza ahambusile ng'aani imiikalile gyenyo.




Ongo, ndakyene mwisaka ukuhambusa imiikalile gyenyo? Lino munakage indzanangifu dzeenyo, neke mwadze mudzabikwe mu lulenga ulu.




Múvaliidzwe indzanangifu dzeenyo. Lino muhelele mukavange imiikalile impiya.

Avaanu vonda vakumutambula umudalisi uyo pa mukoga apo ukutigila, Yohana uMudzabisi.

Uneene sindivagiye ukulongelwa. Ndikumuwuyapila ing'aasi uyo ye iikwadza ukutulongela ukutigila uNguluvu ye ani. Ye mwene ye akuvadzabikila mwa Mubepo uMwimike nu mooto. Ulukaani ndawuli ulo lukuvahambusila ng'aani.



Neke pambele...




Uneene ndili munya kudzabikwa naave.



Ulime ulu lino, apo pe peene pe tuhadza twikwilidza imikeelele gya Nguluvu.




Ve Daada, uwutwa waako waadzage na lwe wiikeela lulimikage.



Neke ilidzwi liipulisa ukuhuma kukyanya...

Eena, uveeve yuuve Muswamu-vangu, ve Mwende vangu, ndi keeliidzwe naave mbandu.

UYohana uMudzabisi akuvagelanidza aVaisilaheli musika pe iikwadza Mesiya. Umusika ugu, inyi ya Isilaheli ye nyi ndoodo mu wutemi wa wutwa wukomi wa Wuloma.



AVayahudi mu nyi ya Isilaheli vakwipulika vanyonyovafu kangu viiwonelwa. Viihuuvila mu wusuukwa umusika gwa Mesiya pe alaadza. Umesiya uyu ye Mupoki. Imola yaakwe yísimbiilwe mu Wusimbe uWiimike uwa kataali. Vonda valawuwona uwugolofu wa Nguluvi wugendela wa uyo.


Pa mukoga Yolodani pala, uYohana Mudzabisi iilaganidza ni kyala kwa Yesu.

Lolage, ako ke Kaanang'olo ka Nguluvi, akiihedza indzanangifu dza vaanu vonda mwe naanyi.



UYesu pe ádzabiikwe, uMubepo uMwimike akumusogodza uYesu ku lung'alang'ala.

Akwikala uko ifigono makyumi gatayi (40) ikilo nu muunyi. Pe ali uko, asiiliya ikyakuliya. Iilapangila, kangu akwigelanidza ulwa malimo gaakwe.



Ukudeludza ulwa Setano, uYesu munya kukwilidza imikeelelele gya Nguluvi mwe naanyi. UNguluvi iikeela ukutigila, avaanu vadindulilwe ukuhuma mu woogofi wa fuwa.



Ve Daada. Ndihadza ndiilima luluvedzaga lula lwe wiisaka.

UYesu iigemywa nu Setano, umutemi va kiisi ye asiwoneka, ye iitema ilidugulu mu fuwa nu wuhosi.





Neke kangi uSetano, umubeedzi vaakwe, iigela ukumuyadza uYesu mu mahoodzo gaakwe, ukuta atane ukulima imikeelelele gya Nguluvi.

*Ngana uveeve uli Muswamuve va Nguluvi, ugalongele amaganga aga gahambuke mikaate.*

Nambi! Mu Wusimbe uWiimike lúsimbiilwe ukutigila, "Ikyakuliya kyene kisikumuhulila umuunu avedzage muumi, nda haamu, uwuumi wa muunu wuli mu luluvedzaga lwe iilonga uNguluvi."

*Ngana uveeve uli Muswamuve va Nguluvi, uumboneese! Wiitoodze paanyi ukuhuma pa kineng'eneng'e kya lukandzi lwa tembeli. Ongo, si lúsimbiilwe ukutigila, avanyamwandza vahadza vakukunyagidza mu mawoko gaawo?*

*Lolage, ngana ukuungondamila, ndikukupeela uwutawulilwe wonda wa mwe naanyi.*

Pe dzíhelaniidze idzo, uSetano akumuleka uYesu. Umusika ugu, avanyamwandza viikwadza ukumulimila.



Kangi lúsimbiilwe, "Utane ukumugemya uNguluvi."




Uhege apa Setano! Lúsimbiilwe ukutigila, "Tumugondamilage uMutwa Nguluvi, kangi tumutovelage iligendwa yuuyo mwene swe."



Neke uYesu iipiluka ku mugoola gwa Galilaya, ali ni ngufu dza Mubepo uMwimike. UYesu aakuliye mu mugoola ugo, kuwehe mwa Isilaheli kwe vakwikala avaanu voloofu. Pe iihelela, avaanu viivanga ukumuniinila. Viihoodza nu kwiwuudza ngana uYesu ye Mesiya ye dzísimbiilwe imola dzaakwe na vavidzi.

Ulukeelanilo lwa noolane lwilimika ku wudzenge wa Kana, uwuli ku fidunda fya Galilaya.



UYesu nave ali ku lukeelanilo ulo, pamwina nu ng'ina na vamwi mu vadzeela vaakwe.





Neke kangi ulukeelanilo pe lúnogile hiilo...

Idifwayi yísilile!  
Mulimage luluvedzaga lwe ahadza akuvalongela uYesu.



Mumemye ululenga indziilo ingomi idzo, neke munege nu kumupeela umukomi va lukeelanilo, ukuta agedze.



Ye difwayi inofu mbandu!



?



Uveeve úyilekile idifwayi inofu iyi ukufikila pa wusililo.



Ndisinaa ndihangaga mu noolani ngita iyi. Ndisinaa ndiwonaga ululenga lwihambuswa ukuvedza difwayi, kangi difwayi inofu mbandu.

Ago ge geene malimo ga Yesu umuhuma ku Nasaleti.

Napo kangi, mwene uyu ye ani?

Kapelenahumu we wudzenge wa valovi uwiikula mu ng'umbung'umbu ya nyandza Galilaya.  
Apo pe peene pe iivanga uYesu ukulonga pa weelu ulwa wutwa wa Nguluvi...



kangi ihaagula avanyigendwa  
vaakwe va kutala.



Mutwave, túlimile  
amalimo ikilo yonda,  
sitwambuliye nambe  
yimwinga.




Neke kangi pakuva  
uveeve úlongile ewo...





Petulo, hegeledze  
uwaato ku lulenga  
ulutaali, mukasope  
indzafu dzeenyó,  
mulove isomba.



Humbe,  
sindikulufika  
mbandu!






UYesu pamwinda na vanyigendwa vaakwe viigendela imbali dzonda dza Galilaya. Akuvawulanidza avaanu vonda ulwa wutwa wa Nguluvi. Iinaniya ifitamwa fyonda ifili poloofu nu kulosa imibepo imiviifu. Avaanu viidzuma nu kumuniniila. Avangi viihuma nu ku migoola igingi nu ku Yelusalemu, uwuzenge wukomi wa nyi ya Isilaheli. Kikivedzaga kye iilonga uYesu, vakukipulikidza wunofu.




Váfuunyiliilwe avahangala mu numbula, pakuva uwutwa wa kukyanya waawo.


Váfuunyiliilwe ávadagiine ni ng'elo ya wugolofu, pakuva valiiguta.



Váfuunyiliilwe vonda aviivemba, pakuva valaheka kangi.



Múfuunyiliilwe ngana avaanu vakuvapumusa wiimila wa neene. Mukeelage nu kuheeya, pakuva uNguluvi ávaviikiye uluwonolo lwenyo lukomi kukyanya.




Muvalimilage avaanu avangi ngita na yuunye kye mwisaka ukulimilwa.



Muveendage avanya wukava veenyo, nu kualapangilila kwa Nguluvu.



Mutanage ukulima inofu pa miho ga vaanu ukuta vavawone.



Umuunu ye avedzaga ye akumulola umwayuuva pa kumudoboka, iivedza ádumuwe uwutoolane nave mu numbula yaakwe.



Amiiho gali ngita tala ya movili. Ngana amiiho gaako manofu, apo umuvili gwako gonda gwivedza mu lumuli. Neke kangi ngana amiiho gaako mabofu, umuvili gwako gwivedza mu kiisi.



Sikwali umuunu ye akuvatovela iligendwa avatwa vavili. Mwilemwa ukumutovela iligendwa uNguluvu ni maale mu musika gumwinga!



Mutanage ukwiganiya ifya kilaawo. Mutemulage tandi uwutwa wa Nguluvu, neke fyonda ifyo fihazza fikoongelehedzwa.



Ngana mukugagendela amadzwi gangu, mwivedza ngita umuunu ye iidzenga inyumba yaakwe pa lutalaawe. Ngana mutanage ukugagendela, mwivedza ngita umuunu ye iidzenga inyumba yaakwe pa luhanga.



Iilugu lya vaanu l'lundine piivala pa nyumba mwe mwali uYesu mu wuzenge wa Kapelenahumu...

Twilemwa ukwingila mugati umo.

Lwisakulwa tumwingidze umwene mu liteefu lyakwe kugendela pa likiing'a lya nyumba.

Kuli kiki kukyanya uko?

Muvaleke! Avadzeela avo vali nu lufuuwo lukomi.

Úwodziidzwe indzanangifu dzaako.

Iilonga wuli ewo?

Akumulonga fivi uNguluvi.

Yu Nguluvi mwene ye iiwodza indzanangifu!

Luli kwi ulupeefu, ukumulongela umunya liteela ukutigila, "Úwodziidzwe indzanangifu dzaako, enewuli, "Wiime, ugendage"?

UMesiya ali nu wutawulilwe wa kuwodza indzanangifu. Neke lino ndiitigila, "Tegule iliteefu lyako, ugendage."





Ludzumo mbandu!

Mwene! Lino ndiigenda!

Lolage iigenda!

Neke kangi si vonda avakugakeela amalimo manofu ga Yesu ago. Avalongodzi va Vayahudi viikomandza ngana uYesu iigendela imivedzehedze gyawo mu kigono kya Sabato. Mu nyi ya Isilaheli, avaanu viikaanidzwa mbandu ukulima amalimo gagavedzaga, mu kigono ngita ikyo.



Uyu ye muunu ye ali ni liwoko ilitenda. Ongo, lwikwidikwa ikigono kya neeng'uli ukulima ulunofu?



Golose iliwoko lyako.



Ha! Ndíponile!



Lwisakulwa tumukome.

Avalongodzi va Yelusalemu vanya kulongelwa ukutigila, umunu uyu iiheniya inyi.

UYesu iidzeela uwubeedzi kye wiikoongelela.  
Umwene iihegasa na vanyigendwa vaakwe  
wugendela wa waato mu nyandza ya Galilaya.



Mutwave  
ututange!  
Twifuwa!





Kye kiki  
mwikoogopa?  
Ulufuuwo lwenyo  
luli kwiya?






Dzike!  
Ulitame!



Viifika ku mwambu iya nyandza, viiwopa uwaato apoona ápalitiime. Neke kangi ukuhuma ku kidunda viipulika...

MMMMM!

Kuli muunu umunya mubepo umuviifu ye akwikala ku fidunda.



Uyo! Umh!

UYesu iikwadza!



Ehee, Yesu!



Ve Yesu, Muswamuve va Nguluvi uMukomi! Uli wuki naane?

Ve mubepo muviifuave, uhume!




Ilitaawa lyako ani?





Ilitaawa lyangu ndiitambulwa Legyoni, pakuva tuli voloofu.



Ututawule tuhelele tukiingile mu magubi gala.


Muhelelage!







Ndikuvalongela ukutigila, uMuswamuve asiilima luluvedzaga mwene, iilima ngita kye iilola ukuhuma kwa Daada. Sindiilima dze ndikeeliye uneene, nda haamu, ndiilima dze iikeela uDaada ye áanumile.




UYesu aaihelela kulapangila apoono apangaya vaanu.




UYesu pe álapangiye ikilo yonda, akuvahaagula avatume vaakwe vanyikyumi na vavili (12). Akuvatuma vavili vavili. Akuvapeela wutawulilwe uwa kulosa imibepo imiviifu gyonda, nu wa kunaniya ifitamwa.



Ava ve veene: avanyalukolo vavili uPetulo nu Andeleya...



avanyalukolo vavili ava, uYakobo nu Yohana...



uFilipo nu Batolomayo...


uTomasi nu Matayo (ye aali muhaki-pembe wiimila wa silikaale ya Kiloma)...



uTadayo nu Yakobo uyungi...



uSimoni (ye aagalwike ukuhuma mu wutemi) nu Yuda Isikalyote.



Muhelelage. Umuunu ye akuvaanukila unyeenye, akuundzanukila uneene. Kangi ye akuundzanukila uneene, akumwanukila uyo ye áanumile uneene.



Avatume avanyikyumi na vavili (12) ava viipiluka vali nu lukeelo lukomi wiimila wa malimo gaawo ga wutume. Pe dzíhelaniidze idzo, uYesu iisaka ukuhelela navo apono pa kinyele, neke kangi ililugu lya vanu vasiisaka ukuvalekasila mbandu.

Imbene yítanile, neke kangi avanya kubena vakeefu. Mumunyilikage uMutwa Nguluvi umunya mugunda, ukuta avatume avanya kubena voloofu vakabene imbene.



UYesu iigina kangi ukudalika nu kuvananiya avatamwa. Lino kwitinala...



Filipo, twigula kwiya imikaate gya kuvaliisa avaanu vonda ava? Muvapeele yuunye ikyakuliya.

Uluhombu lwa myedzi munaana (8) silukali lwikwila ku vaanu ava.


Apa pwali umudiimi yumwinga, ye ali ni mikaate gihaanu ni somba ndoodo dzivili.

Muvalongele avaanu viikale fipuga fya vaanu makyumi gahaanu gahaanu (50).




UYesu akumuhongedza uNguluvi.

Neke iigava imikaate nu tusomba uto.





Imbilima dza vaanu dziiliiswa,  
uYesu iiginalidza ikyakuliya ikyo.



Lwivagila tumutemedze  
ukuta avedze Mutwa.




Ndakyene umwene ye Mesiya ye  
tukiihuuvilaga ukutigila,  
iikwadza pe naanyi apa.

Lino, mulolage. Kuli  
fihivi finyikyumi ni  
fivili (12) ifimemile  
utuwluwulu.



Umusika gúfikile avaanu ava vihelelelage ukwawo.  
Unyeenye mwingile mu waato, mulwoke imwambu  
iyingi iya nyandza. Uneene ndiisigala baaha pa  
kidunda kulapangila.






Kuli vaanu aviisaka ukumutemedza uYesu ukuta avedze mutwa. Aveene viihuvila ukutigila, kugendela uwulongodzi waakwe uwutemi wa Valoma wuhadza wiheedzwa. Ndeeni na vabeedzi va Yesu, vóongeliye. Viigina ukumulonga fivi ifigono fyonda. Viisaka kumusongasa na vaanu nu kumutipula.



Mutwave, ukaadzile ndali apa?

Ongo, mukuunemula wiimila wa mikaate gila gye ndikavapeeliye?



Mutanage ukwituunidza ulwa kyakuliya ikiwola, nda haamu, musakulage ikyakuliya ikili nu wuumi wa mbeepali.



Uneene gwe mukaate gwa wuumi. Ugu gwe muvili gwangu gwe ndiitawula ku vaanu vonda ukutigila, vavedzage nu wuumi uwa mbeepali.



Ongo, akutupeela wuli umuvili gwakwe ukuta tuliye?

Dza kwidzanga idzi!





Leke twihelelelage ukwesu.

Lwiwoneka ukutigila, uyu akumudzanga nayula.



Ongo, na yuunye mwisaka kuundeka ndeeni?

Mutwave, tuhege tuhelele kwa ani? Uveeve yuuve ye uli nago amadzwi agakutupeela uwuumi wa mbeepali.



Avanandzi viikomwa kwivala ya wudzenge wa Yelusalemu.  
AValoma vakuvatovelela pa kipindulihidzo, ukufikila kufuwa.



Ngana umuunu ye avedzaga iisaka  
ukuuniniila, iitawulilage ng'aani,  
ategulage ikipindulihidzo kyakwe,  
neke aaniniilage.



Umuunu ye avedzaga ye iisaka  
ukuwupoka uwuumi waakwe, uyo  
alawuyadza, nayu muunu ye  
akuwuyadza uwuumi waakwe  
wiimila wa neene, uyo alawupoka.



Udzeelage ukutigila, kuli  
Nguluvu yumwinga swe.



Ulukaani ulukomi lwe ulu, umwendage uNguluvu  
ni numbula yaako yonda, kangi umwendage  
umuyago ngita kye ukwiyenda yuuve.




Umusika ugu, koovali avaanu avanya kinyamuvili. Kuling'aana ni milagililwe gya Vayahudi, avaanu avo vali lupumba, vasiikwidikwa ukuhandzing'ana na vaanu avangi. AVayahudi válaqiidzwe vatanage ukumupamya umuunu umunya kinyamuvili.



Avanya kinyamuvili viiyova mwango ponda pe viihelela wiimila wa kwitambudza ku vaanu ukutigila viigita kwadza.

**Mwiyangalilage!**  
**Avanya kinyamuvili!**  
**Avanya kinyamuvili!**



Yesu Mutwave! Utusungukile.






Muhelelage mukiiwoneese ku vateekedzi.



Ongo, tuhelele kwa muteekedzi kugelwa?

Ongo, pe lúlimiike ulo, pe peene pe tuhadza twipona?



?

!



Lolage! Ndínanile!



Túnanile!

Eena! Lino ndiigenda!



Haleluya! UNguluvi munofu. Túhongiidze hiilo!



Vasivaliidzwe avaanu vonda vanyikyumi (10)? Avangi avanyigondza (9) vagenda kwi? Kye kiki vasaadzile kumuhongedza uNguluvi?



Wiime! Ulufuuwo lwako lúkunaniiidze, kangi lúkupokile.

UYesu pe ali mu lugendo, aalongodzi va Vayahudi mu Yelusalemu vakuvatuma avatendegedzi vamutedgedze mu madzwi gaakwe. Aveene viibeedza mbandu amalimo gaakwe amanofu ago.

Iihangana na vaanu avaviifu ngita avadumuli-noolane, avahaki-pembe avakuvalimila aValoma...

UMesiya áadzile kuvatemula nu kuvapoka avaanu ávayagile.




Akuvananiya avatamwa mu kigono kya Sabato...

Wiime, ugendage!



Nava vaana avadebe akuveenda sikugela...

Muvaleke avaana avadebe vaadze ukwangu, pakuva uwutwa wa Nguluvu wa vaanu ngita avaana ava.





UYesu ikemeelwa kuhelela ku Betaniya, uluvala ululi bihi ni Yelusalemu. ULasalo mutamwa. ULasalo pamwinga na vahaadzave vavili, uMalita nu Maliya vaali vadzeela vakomi va Yesu. UYesu pe iifika ku Betaniya, umusika guugo iikwanukila imola iyiitigila, uLasalo akasiililwe ifigono fitayi ifihelaniidze.





Lolage kye akamwendile uLasalo!

Neke kangi, umwene ngali álemiilwe ukutanidza ifuwa ya Lasalo iyo?



Umusika ugu, aVayahudi vakugupilingidza umufimba ni myenda nu kuviika mu mombwe íyibuguliilwe mu lutalaawe.

Muhedze iliganga ilyo.



Mutwawe, lino umufimba gwivedza gúvangile ukunuung'a pakuva fídzumbile figono fitayi.

Muhadza mukudziwona indolo dza Nguluvi.



Daada, ndiilonga idzo ukuta avaanu avali apa vafuuwe ukutigila, ye veeve ye únumile.




**Lasalo, hume kwivala!**



Mumuwopole imyenda igyo, mumuleke iihelelelage.

Avatemi va Yelusalemu viinyeng'emala hiilo wiimila wa Yesu na vanyigendwa vaakwe.



Umuunu uyo iihuufya ifilole fyoloofu hiilo.

Ngana tukumuleka aginage ukuhuufya ifilole ifyo, aValoma vahadza viikwadza vaanange fyonda!

Vahadza viikwananga itembeli yeesu ni nyi yeesu!



Muhoodzage! Lwivedza luwumbulilo ukwenyo ngana umuunu yumwina afuwe wiimila wa vaanu vonda, si ngita avaanu vonda vatipulwe.



Wiimila wa ulo, lwisakulwa uYesu akomwe!




Ukuvangila umusika ugu, avalongodzi va Vayahudi viitemula umusika gwa kumugotola uYesu ku Valoma, pakuva avo ve veene avanya wutawulilwe uwa kuhiga inongwa idza fuwa.

Napo kangi, uYesu pe ali mu kuliya ku Betaniya...



Maliya!




Amafuta ago gali nu wutalamu wukomi.





Kiba gagudzwe na magoobeli goloofu, ukuta vapeelwe avahangala!



Mumuleke, áviikile amafuta matalamu ago ukufikila lino, ukuta agugelanidze umuvili gwangu pa kigono ikya kusiilwa kwangu.



Fiisigala figono fikeefu ukufikila icyaka kya Paasaka.  
Avaanu voloofu viihelela ku Yelusalemu.



Ku wudzenge ku Yelusalemu,  
avalongodzi viitemula ing'aasi iya  
kumwibata uYesu. Napo kangi  
umwene iihelela.

Avaanu vakumwanukila nu luheyo lukomi.



Isaaga!


Hosyana!

Áfuunyiliilwe ye iikwadzila mu litaawa Iya Mutwa Nguluvi!

Mutwa va Vaisilaheli!




Yelusalemu, ngana ukali udzeelage ulwa kwanukila ulutengamaso. Neke kangi siwiisaka.



Twilemwa ukulima kikedzaga!

Lolage, avaanu vonda vakumuniniila umwene!

Ku Vayahudi, itembeli mu Yelusalemu kye kiwumbuko kya kwifuunya kwa Nguluvi.



Umusika gwa kyaka kya Paasaka, indzanang'olo dzaadzhindzwa.



Inambika idza ndzanang'olo dziitekelwa mu tembeli ukuta vaanu viitepule nu Nguluvi.




Neke kangi, wusembe wuki wa kaanang'olo uwukuvahedzedza ndakyene indzanangifu dzaawo avaanu?




Mu lipaala lya tembeli, avaanu viigula ifiinu nu kufundza amagobeli.



Baaho na baaho uYesu iihumila apo.






Inyumba ya Nguluvu yitambulwa nyumba ya ndapangilo. Neke kangi unyeenye múyihambwise manga ya vagonadaasi!




Uyu ali lutalamu! Nda haamu, avaanu vonda vakumupulikidza, vakuumuilila hiilo mu madzwi gaakwe.



Ndakyene twisakulwa ukutemula ing'aasi ya kumukomela!






Twisunga tumwibate wugendela wa wubanga. Apo pe peene pe tuhadza tukumukoma.

Neke kangi tutane ukulima idzo mu kyaka kya Paasaka, ukuta avaanu vatane ukuhula ilyowo.



Ngana ndimugotole uYesu ukwenyo, muhadza mukuunyomba kiki?

Uyo ye Yuda, yumwina mu vanyigendwa vaakwe.



Ndihadza ndikumugotola uYesu ukwenyo.

Tuhadza tukukupeela amagoobeli makyumi gadatu (30) ngana utugotolele uYesu, uwutalumu we iigulwa umusutu.




Mu figono pe kisinga kifikila  
ikyaka kya Paasaka, uYesu  
akuvadalikila avaanu mu tembeli,  
nde luvudze avalongodzi  
vakumuviikila ifikuvadzi ukuta  
atane ukulima ewo.



Pa kyamihe, uYesu na vanyigendwa vaakwe  
vanyikyumi na vavili (12) viitaang'ana mu  
wudzenge ukuta valiye ulukeelanilo lwa Paasaka.






Ndídobwike hiilo ukuliilasa naanye ikyakuliya kya Paasaka iyi, umusika pe ndisinaa ndipumuswa.



Mwidgeela ukutigila, avakomi vakuvaviika avangi paanyi pa wutawulilwe waawo, neke kangi ukwenyo lutane ukuvedza ewo.



Ye iisaka ukuvedza mukomi umwenyo, avatovelage iligendwa avayagwe.



Uneene ndili pamwinda naanye ngita muunu ye akuvatovela iligendwa avangi.



Mutwave, wiisaka ukuung'ala fya amagulu? Usiing'ala fya nambi!

Mutwave, suwe, utane ukuung'ala fya amagulu geene, nda haamu, naga mawoko pamwinga nu mutuwe!

Umuunu ye ákaliive, asiisakulwa ukukalava kangi, nda haamu, kukukalafya amagulu geene.

Ngana sindikukalafya, Petulo, apo usili mihanganile naane.

Unyeenye mukuung'emeela Mutwa nu Muwulanidzi, mwilonga wunofu, pakuva ndeeni kye ndigenda. Uneene ndívakaliifye unyeenye amagulu, na yuunye ndeeni mwisakulwa mwitovelage iligendwa yuunye mwa yuunye, ngita kye ndívalimiye uneene.


Yumwina umwenyo ahadza akuusutula.


Nda, silwihumila!

Ongo, siye neene?



Yuda, lwe wiisaka ukulima, ulime kisaatu.





Mulimage ewo nyakoloofu pa kuundziwuka uneene...



Koote muliyage umukaate ugu, gwe muvili gwangu.



Koote ikinywelo ikili ni difwayi, munywedzage, ye yeene idanda yangu iyiikwitika wiimila weenyoy. Wugendela uwo, uNguluvi iifinga ulufingo ulupiya naanye.



Ndikuvapeela unyeenye ululagi ulupiya, mwiwendage ngita uneene kye ndiveendile unyeenye.



Ngana mukwienda, apo avaanu vonda vahadza viidzeela ukutigila, unyeenye muli vaniyigendwa vangu.



Uneene ndihadza ndikukuniniila kukuvedzaga. Ndhadza ndikuwutawula uwuumi wangu wiimila waako!

Petulo, indzogolo pe yisinaa yivika, wiivedza úung'aanile nyakadatu ukutigila usiindzeeliye.

Pambele ikyamihe yiyo, uYesu na vanyigendwa vaakwe viihaga mu wuzenge. UYuda sipwali pamwinga navo...



Uneene ndiihelela kwa Daada, neke kangi umwene ahadza akuvatumila uMubepo uMwimike ye akuvatanga nu kwikala naanye mbeepali.

Unyeenye múyidzeeliye ing'aasi ya kuhelela apoono pe ndiihelela.



Uneene ndili ng'aasi, ndakyene, kangi wuumi. Sikwali umuunu ye iifika kwa Daada, ngana asigendiye ukwangu.



Mwikale apa. Uneene ndiihelela pawutalo padebe mu kulapangila.



Ve Daada, ngana lwivagila, uunyedzehedze imumuko idzi.



Si kutigila lulimikage lwe ndikeeliye uneene, nda haamu, lulimikage lwe úkeeliye uveeve.





Mwigoneelela wuli mu musika ngita ugu? Mwime! Lolage, umunya kuusutula ali bihi.



Umuunu ye ndizikumunoonela pe ndikumuhungila, ye mwene ye mumwibatage.



Muwulanidzaave, hwewuli!

Yuda, ukumusutula uMesiya wugendela wa kumunoonela?



Mutwave, tuhomane navo?



Nambi, mubihile.



UYesu akuviidika vamwibate. Avanyigendwa vaakwe viinyila kiyagi.

UYesu iisindikwa kwa muteededzi umuvina, ye ali mukomi va valongodzi vonda va Vayahudi. UPetulo nu Yohana vakumuniniila pataali.



UPetulo iikwingila mugati mu lipaala lya muteededzi umuvina.



Ongo, uveeve usikali nave?



Nambi! Sindimudzeeliye umuunu uyo.

Uveeve ve yumwinga va avo, si ndeeni?



Nambi! Sindimudzeeliye.

Ndakyene uveeve ukali pwali, pakuva uveeve wihuma kuuko ku Galilaya!

Ve muunuave! Lwe wiilonga ulo, sindiizzeela!








Kokoliiko!



UYesu iiseduka,  
akumulola uPetulo.



Salile! Ye ani ye  
ákutovile?



Pamilaawo, uYesu iisindikwa pa kiwungu kya valongodzi va Vayahudi.

Ongo, uveeve ve  
Muswamuve va Nguluvi?

Unyeenye yuunye ye mwilonga  
ukutigila, uneene yuune!



Ámulongile fivi uNguluvi!  
Iivagila akomwage! Muleke  
aValoma vamuhige.

UYesu iisindikwa pawutalo pa mutemi va Valoma, uPilato. Avalongodzi va Vayahudi viilumbilidza aviilola. Viyyova nu kumutaaha ndzoloofu.



Lolage dzonda idzo dze vakukutaaha! Lino uveeve wiitigila kiki? Siwiihiga kiinu?



Ongo, úlimile kiki?

Uneene ndáadzile ukoolela indakyene.




Indakyene kye kiki?



Sindikuyiwona inongwa ya muunu uyu. Kye kyaka kya Paasaka. Ndivadindulile ani? UBalaba, enewuli uMutwa va Vayahudi?








Lolage, umuunu umwene ye uyu.

Mumutovelele!

Mumutovelele!

Mumutovelele!



UPilato iisimba ukwidika uluhigo lwa kufuwa kwa Yesu. Ulupedzo lwa kufuwa pa kutovelelwa, lwali lwa koogofya mbandu. UYesu iinyamula ikipindulihidzo, kye kikoong'olo kya mumuko, iigendela mu ngelele dza wudzenge.





Apono pa kutovelela pe piivala ya wudzenge. Apono apo piitambulwa Goligota, kwe kutigila Libang'a lya Mutuwe.



Apa avakolakyanda vakumutovelela ni misumale uYesu pa kipindulihidzo, mu mawoko na mu magulu.






Uwusimbe wiisimbwa mu ndongele dzidatu nu kutovelelwa pakyanya pa kipindulihidzo, nawo wúsimbiilwe endee, "UYesu, Mutwa va Vayahudi."

UYesu iikaana ikinyuwo ikiitanidza uwuvafi.

Avakolakyanda viisoolanila ulusolo lwa kugavana imyenda gyakwe.



Eena. Ongo, asavapokile avaanu avangi?



Ngana uveeve ve Muswamuve va Nguluvi, apo wiike pa kipindulihidzo!

Wiipoke yuuve, kangi utupoke naafwe!

Uveeve usikumoogopa uNguluvi! Uneefwe túhigiilwe uluhigo ngita kye lukutuvagila, neke kangi uyu asilimile wanandzi wuwuvedzaga.



Uundziwukage umusika pe wiikwingila ku wutwa waako.



Ndikukulongela ndakyene, ineeng'uli iyi wiivedzasa naane ku Paladiso.

Ikivalilo kya mutanda (6.00) pa muunyi, ilidzuwa liitilivala. Ikiisi kiiguwa mu nyi yonda.



UMaliya ung'ina va Yesu nu munyigendwa uYohana, viikwima bihi ni kipindulihidzo.

Yuuva, lino uyo ye muswamuwo.



Nguluvi vangu,  
Nguluvi vangu, kye  
kiki úundekile?



Ndikelwike.



Ve Daada! Ndikuwuviika  
uwuumi wangu mu  
mawoko gaako.



Amalimo  
gangu  
gákwiliye!

UYesu iifuwa ikivalilo kinyigondza (9.00) pa muunyi. Umukolakyanda yumwinga akumuhoma uYesu pa lubafu, yihuma idanda nu lulenga.



UWusimbe Wiimike wiitigila, "Aalongwidzwe ngita ndzanang'olo ukuhelela kuhinzwa."



"Aahomiilwe nu kupumuswa wiimila wa ndzanangifu dzeesu." Neke kangi lino áfuwe.



Ongo, uyo ye Mesiya ye aahuuvilwaga ukwadza, enewuli siye mwene?



Leke tuhelele tukanyilike vatwidike ukumusiila.



UYosefu umuhuma ku Alimataya nu Nikodemo, vakugunyamula umufimba gwa Yesu. Vakugupilingidza nu mwenda umuvalafu pamwinga na mafuta aganya lunuusi lunofu nu kuviika mu mombwe. Viidinda imombwe ni liganga likomi pa mulyango.





Umusika gwa kupola mu kigono kya Sabato pe yihelaniidze, avamwayuuva vakeefu ávahuguviye hiilo, viihelela ku mombwe iyo.



Kye kiki mukumusakula ye ali muumi ukuhuma ku ávafuwe? Ádzulubwike! Muhelelage mukavalongele avanyigendwa vaakwe.



Iliganga líbilwiswe pa lubali!


UPetulo nu Yohana pe viipulika ulu, viihelela viinyila ku mombwe.




Páhumiye kiki?




Sipwali apa!





Ikigono ikyo, avanyigendwa vavili va Yesu, pe vádendewiike inumbula, vakumuwona umuheleli-ng'aasi, viilongana nave ulwa kukomwa kwa Yesu...

Ongo, mwilemwa ukudzifuuwa dzonda idzaalongiilwe na vavidzi? Ongo, musiidzeela ukutigila, uMesiya munya kupumuka pe asinaa iingila mu ndolo dzaakwe? Dzonda idzo dzísimbiilwe mu Wusimbe uWiimike.



Baaho na baaho, umusika gwa kyakuliya, umugendzi vaawo iiyagaanika...

Neke kangi, uyo akali ye Yesu yumwene!



Viihega kisaatu, viihelela kuvasakula avanyigendwa avangi va Yesu.

Uneefwe túmuweene uMutwa.




UMaliya nu Petulo navo ndeeni vámuweene!



Baaho na baaho...

Ulutengamaso luvedzage naanye.





Ongo, unyeenye musiiifuuwa ukutigila, uneene ye mwene? Mulole amawoko na magulu gangu.



Mutwa vangu nu Ngulvi vangu!



UYesu akuvahumila avanyigendwa vaakwe mu figono makyumi gatayi (40). Kangi akwiwoneesa ku vaanu magana gahaanu (500) mu musika gumwinga. Ikigono kimwinga, avangi mu vanyigendwa pe vilova isomba mu nyandza ya Galilaya...





Ongo, Petulo, uveeve ndakyene ukuundzenda?



UYesu akumuwuudza uPetulo nyakadatu uluwuudzo ulo.



Eena Mutwave, uveeve wiidzeela ukutigila, ndikukwenda.

Usopelage ing'olo dzangu.



Uuniniilage!

UNguluvi áameeliye uwutawulilwe wonda uwa kukyanya nu wa mwe naanyi. Lino muhelelage ku vaanu va nyi dzonda, mukavahambusage ukuvedza vanyigendwa vangu. Mukavadzabikage mu litaawa lya Daada, ni lya Muswamuve ni lya Mubepo uMwimike. Mukavawulanidzage ukuniniila dzonda dze ndívalagiidze unyeenye.




Mwiwukage ukutigila, uneene ndili pamwinga naanye mbeepali, ifigono fyonda, ukufikila uwusililo wa misika.

Amadzwi aga pe gálongiilwe, uYesu iihega mwe naanyi, iikwinuka kuhelela kukyanya. Neke kangi ndeeni aalongile ukutigila, alaapiluka ukuvahiga avaanu vonda.

UYesu áhegile. Avanyigendwa vaakwe pe viidzindila ukumwanukila uMubepo Mwimike ku Yelusalemu, vakwifuunya. Pe fíhelaniidze ifigono makyumi gahaanu (50), mu kigono kya Pendekosite, uMubepo uMwimike iikwika nu kuvamema. UMubepo uMwimike ye iikalile mugati mwa Yesu, ye yuuyo ye akwikala mugati umwawo. Wugendela wa ngufu yaakwe, akuvalongodza kuvedza voolesi aviikoolela iMola iNofu.

Lolage! Ifuwa yílemiilwe ukumwibata uYesu. UNguluvi ámuzulubwise uYesu uyo ukuhuma ku wulungu, ámuviikile avedzage Mutwa, kangi ye Mesiya.



Avanyigendwa va Yesu viihelela viidalika imola dzaakwe ku vaanu va nyi yonda, neke kangi viibeedzwa hiilo.

UYesu ye Muswamuve va Nguluvi!



IMola iNofu iyo yaatagaliidzwe wugendela wa haate.

UKilisiti yumwene aanyamuwe indzanangifu dzeesu mu muvili gwakwe pe aafuwe pa kipindulihidzo. Ulo lwe lwene uneefwe tuli ngita túfuwe ukuhuma mu wutemi wa ndzanangifu nu kuvangila lino, tukwikalaga ngita kye iikeela uNguluvi.



Lino avafuuwa va Yesu pepavedzaga mwe naanyi, viilundana nu kwifuunya pamwinga nu kwimba iBibliya. Umusika gwa Kyakuliya iKiimike viiliya umukaate nu kunyuwa idifwayi ukuta viiwukage ifuwa ya Yesu. Viiwoneesa uwende wa Nguluvi mu numbula dzaawo na vafudiing'ano vaawo.

UYesu ihambusa ing'aasi  
ukwesu ukutigila,  
tukwilidzage imikeelelele  
gya Nguluvi.



UYesu akukwenda!  
Umuhongedzage nu  
kwifuunya ukwakwe.



UNguluvi aveendile avaanu vonda pe  
naanyi apa, lwe lwene amutawuwe  
uMuswamuve uMunyakimwinga, ukuta  
umuunu ye avedzaga ye akumufuuwa  
uyo atanage ukuyaga, nda haamu,  
avedzage nu wuumi wa mbeepali.

WILLEM DE VINK

## IBIBILIYA

Ulusimo lwa Yesu lúsimbiilwe mu Bibiliya. Sikookili ikitabu ikingi ikiikwimbwa nyakoloofu kulutila iBibiliya. Kye kitabu ikili ni fitabu. Avasimbi vaanyamuwe imyaka mbilima yimwinga na magana gahaanu (1,500) ukusimba ifitabu fyonda ifyo. IBibiliya yaamaliike mu myaka mbilima yimwinga na magana ligondza (1,900) ígihelaniidze. Umo moodzili isimo idzili poloofu dza Nguluvu, kye iivilatuwe mu miikalile gya vanu. Ulusimo lwa Yesu lwiwoneesa hiilo ukutigila, uNguluvu ye ani.


## IMIHAUGULILE GYA YESU

Moofili fitabu fitayi mu Bibiliya ifiilonga imiikalile gya Yesu. Fípeeliilwe amataawa kuling'aana na mataawa ga vasimbi. Avasimbi vonda viikalile umusika gwa Yesu.

1. **UMatayo** - umunyigendwa va Yesu. Aalimaga amalimo ga wuhaki-pembe. Aasimbile ing'aani dze aalimile uYesu ku vanu va Isilaheli (aVayahudi).

2. **UMaluko** - aali aave muvinano umusika uYesu pe aalimaga amalimo. Aasimbile padebe hela ulwa filole fye aahuufidze uYesu.

3. **ULuka** - aali muyavi-migoda. Umwene asamudzeeliye uYesu. ULuka iilonga ulwa Yesu kye avalimilaga avaanu. Aasimbile imola ndzoloofu ulwa wende wa Yesu ku vanu vonda.



4. **UYohana** - nave aali munyigendwa va Yesu. Umwene iiwoneesa hiilo ukutigila, uYesu ye ani. UYesu ye Nguluvu ye aali muunu ye aadzile ukuvakombodza avaanu ukuhuma mu ndzanangifu.



## UKUHOLWA KWA YESU

Ung'ina va Yesu, uMaliya, pe aali nu wuvaha nave, aali asinaa atawuka, kangi aali asinaa amudzeela umugoosi. Neke kangi uwugulume wa Nguluvi waali wa kutigila uYesu aholwe. Ikilole iki kyatagaliidzwe mu fitabu fya kataali pe gusinaa gufika umusika gwa Yesu. UYesu asaaholiilwe ngita muhoma-magoha, enewuli umuunu mutambule. Aaholiilwe mu libaani lya kuliila isenga pakuva sikwali ni kiyumba ikingi.

## IFILOLE FYA YESU

UYesu aahuufidze ifilole fyoloofu. IBibiliya yiilonga ukutigila, aananiidze avaanu kulutila nyamakyumi gatayi (40). Wugendela wa filole, uYesu aawoneesiidze ingufu nu wende wa Nguluvi, ukutigila iisaka kuvatanga avaanu nu kuvahambusa vavedzage nu lukeelo.



## IFUWA YA YESU NU LUDZULUBUKO LWAKWE



***Kye kiki uYesu aafuwe? Uwooleedzi wuli mu Bibiliya.***

Umusika ugungi twivonda twatwihoka, amadzwi aga gasikumukeledza uNguluvi, kangi gakumuhulila iligooga enewuli kung'uula. Amadzwi ago giitambulwa ndzanangifu. Indzanangifu dzonda dzikuvatanidza avaanu ukuledza vadzeela va Nguluvi.

Ulo lwe lwene lwe aadziye uYesu. Pa kwitawula kwakwe, uYesu yumwene aanyamuwe ulupedzo lwa ndzanangifu dzeesu. Ulupedzo ulo lwali ye fuwa. Ukuvangila uYesu pe ifuwa wiimila weesu, twivedza vadzeela va Nguluvi kangi. Neke kangi twisakulwa ukunyilika ulupyana wiimila wa ndzanangifu dze túlimile.

UYesu aadzulubwike ukuhuma ku wulungu. UNguluvi akumuhambusaga kuvedza muumi kangi. Wiimila wa ulo, uNguluvi atuwoneesidze ukutigila, umwene ali ni ngufu ukulutula ifuwa.

Lino uYesu akwikala nu Nguluvi. Pakuva akwikala, musika gonda iivedza mudzeela veesu. Iisaka ukututanga uneefwe twikalage mu miikalile igikumukeledza uNguluvi.

### INDAPANGILO

*Ngana uli nu wuhuguvafu ulwa ndzanangifu, kangi wiisaka ukupela, ulapangilage indapangilo ngita idzi:*

*“Ve Nguluvi ve munya wende, ukuundzenda.*

*Wamutumile uYesu, uMuswamuwo uMunyakimwinga.*

*Aafuwe pa kipindulihidzo wiimila wa ndzanangifu dzangu dzonda dze ndílimile.*

*Ndiinyilika uumyanile wiimila wa ndzanangifu dze ndílimile. Siiwo uumyanile.*

*Ndihongedza ukutigila, uYesu ali lubali lwangu.*

*Umusika gonda ndiisaka ukuledza mwana vaako.*

*Ndiinyilika uunange ndiikalage imiikalile gila gye wiikeela uneene ndiikalage.*

*Uvedzage biihi naane umusika gonda.*

*Ndihongedza pakuva wíidikiye indapangilo dzangu.*

*Uveeve wiilima kila kye wiihuvidza!”*

# UYESU NAAVE

Ulusimo lwa Yesu luli nu wusililo uwuli pa weelu. UYesu aali mudzeela va vaanu voloofu mbandu, umusika ugo ukufikila lino. Inyi yihambwike. Lino avaanu voloofu vasiigenda pakyanya pa mbunda, enewuli pa fwalasi, nda haamu, viigenda mu mituka ni ndege. Neke kangi ulo lusiileeta ulukaani lwa Yesu. Iivedza naafwe ngita kye aagendaga mu Vasilaheli. Asiiwoneka, neke kangi ali muumi. Iisaka kuvedza mudzeela vaako ineeng'uli. Umupulikidzage kangi uhadza ukumwenda.

Ongo, wiisaka ukuludzeela hiilo ulwa Yesu ni miikalile gyakwe? Ulimage idziigeleka:

## 1. **Uvange ukwimba iBibiliya yuuve mwene.**

(Mu kihwananidzo: uvange ukwimba ikitabu ikyasimbiilwe nu Luka.)

## 2. **Uvange ukulapangila.**

(Ulonganage nu Nguluvi, kangi umupulikidzage, umwene usiisakulwa ukulonga fikelo ifigendzi.)

## 3. **Ulonganage na vaanu avangi ulwa Yesu ni Bibiliya.**

UYesu iisaka avaanu vaakwe vataang'anage pamwinga nu kwikangadza pe vakwiwulanidza hiilo ulwa mwene.

*Text and illustrations: Willem de Vink.*

*Copyright © 1993 Stichting Wereldtaal, Houten, The Netherlands.*

*Published in Dutch as "Jezus Messias".*

*Edition in Bena (Tanzania) © 2021*

*Digital copyright under the terms of the Creative Commons BY-SA license.*

*All rights of translation, reproduction and adaptation reserved for all countries.*

*e-mail: [jmpbk.app@gmail.com](mailto:jmpbk.app@gmail.com)*

*<https://jesusmessiahcomicmedia.com>*



*UYESU MESIYA. Ulu lwe lusimo lwa ndakyene lwa Yesu uMesiya. Iikalile ku Isilaheli ngita imyaka mbilima dzivili (2,000) ígihelaniidze. Umuunu ye avedzaga ye aataang'iine nave aagangwiswe. Sikwali umuunu ye aalimile ifiinu fye afilimile. Sikwali umuunu ye aalongile ifiinu fye aalongile. Ifilole fyahuufidzwe umusika pe aali pwali uYesu. Kangi aaleetile ulukeelo nu luheeyo ku vonda avamupulikidzaga. Neke kangi avatavangwa vaakwe vamugotuwe uYesu ukukomwa. Napo kangi uwo wusaali wusililo. Wimbe yuuve mwene ndawuli kye lwahumiye, kangi ulole ndawuli ulusimo lwa Yesu Mesiya kye lwigina.*



*Indongele: IKibena*

*Language: Bena (Tanzania)*

*ISBN: 978-94-93178-35-9*